



С Л У Ж Б А

**Преподобной Еленѣ
Дивеевской**

НА ВЕЛИЦЕЙ ВЕЧЕРНИ

На Господи, воззвах: глас 1.

Небесных чинов радование,* Пресвятая Богородице Дева,* яви удел Свой во вселенней* и сподоби тя, преподобная Елено,* избранницею Бя быти и начальницею обители пречудной.** Молися о любовию чтущих тя.

Небесную помощницу имущи,* вражия навета не устрашилася еси:* увидевши змия, хотяща тя поглотити,* воззвала еси из глубины души к Ней тепле:* Владычице спаси и прими обет мой.* И тако силою Заступницы Державной** козни лукаваго посрамила еси, всеблаженная.

Память твою, Елено, светло празднуем:* вольным бо стремлением избравши тесную стезю,* покаяния светом озаривши сердце свое,* к ревности жития монашескаго себе воздвигла еси,* Жениха Небеснаго всею душою возлюбивши,* волею нас ради Пострадавшего и Искупившаго вся,** с Нимже и радости воскресения наслаждаешься светло.

Глас 6:

Любовию Христовою от юности распалаема,* смиренно просила еси преподобнаго Серафима* на путь монашеский благословения.* Старец же, провидя весь путь твой боголюбивый,* испытал тя три лета и честно предуготовив,* посла на жительство в общину Дивеевскую,** преподобная мати Елено.

Мироносицы утру глубоко* ароматы взявши,* ко гробу Господню приидоша.* Ты же, богомудрая,* мятежа мирскаго избегши,* тихаго пристанища обители достигла еси,* благоухание молитвы чистейшей,* яко миро Спасу принесла еси,* тепле проливающи свои слезы,* божественныя же

благодати світовидними лучами просвещаєма,* світом богорозумія озари и наша серця,** верою славящих тя.

Преподобным Герафимом благословенная,* таинственная начальнице Мельничныя обители,* преподобная мати Єлено,* поручення єго различна исполняла єси,* о построении церквей пекущися* и о их благоукрашении,* чистоту в храме Божии хранила єси тщательно,* в немже пребывала єси, яко в чертозе украшенном,* помози и нам чистоту серця соблюсти,** и моли о любовию славящих тя.

Глас 5.

Радуйся, невесто Христова Єлено всеславная,* Невесту Невеєстную величавшая Богородицу* и славословившая Троицу Єдиносущную и Нераздельную,* украсившися смиренієм, к высоте яве вознеслася єси добродетелей,* к подвигам неослабным потекла єси, зовущи:* сердце мое да возвысится к Тебе, Глове.* Ємуже и, приявши ангельский чин, обручилася єси,* моли мир мирови даровати** и душам нашим велию милость.

Радуйся, преподобная мати наша Єлено,* в обители от Чистыя Голубицы созданной,* возжелевшая жити неисходно,* ангельския чистоты ревнительнице,* оружіе воздержаніє и щит молитвы держащи присно,* добраго подвига иночества правило явилася єси,* твоим заступленієм и нас плодоносны Господєви содей* моли мир мирови даровати** и душам нашим велию милость.

Глава, глас 1:

Сердце твое обитель Святаго Духа* соделала єси, преподобная Єлено,* из негоже источашеся благодать любви Христовы:* милостыню творила єси тайно,* и сестер, в скорби сущих,* утешала єси Божественно* благочестия сладостию и словом добрым.* Темже согрей и души наша,* предвари на помощь, тя призывающим,* и испроси всем духовной мудрости** и прегрешений оставленіє.

И ныне, Богородичен, глас тойже:

Всемирную славу* от человек прозябшую* и Владыку
рождшую,* Небесную дверь* воспоим, Марию Деву,*
Безплотных песнь и верных удобрение:* Сия бо явися небо и
храм Божества;* Сия преграждение вражды разрушивши,*
мир введе и Царствие отверзе.* Сию убо имуще веры
утверждение,* Поборника имамы из Нея рождагося
Господа.* Дерзайте убо, дерзайте, людие Божии,* ибо Той
победит враги,** яко Всесилен.

Вход. Прокимен дне. И чтения 3.

Премудрости Голомоновы чтение (глава 3)

Праведных души в руке Божией,* и не прикоснется их
мука.* Непщевани быша во очесех безумных умерети,* и
вменися озлобление исход их.* И еже от нас шествие а
сокрушение;* они же суть в мире.* Ибо пред лицом
человеческим аще и муку примут,* упование их
безсмертия исполнено.* И в мале наказани бывше,*
великими благодетельствовани будут,* яко Бог искуси я,* и
обрете их достойны себе.* Яко золото в горниле, искуси их*
и, яко всеплодие жертвенное, прият я.* И во время
посещения их возсияют* и, яко искры, по стеблю потекут.*
Судят языком и обладают людьми,* и воцарится Господь в
них во веки.* Надеющиеся на Нь разумеют истину* и
вернии в любви пребудут Ему:* яко благодать и милость в
преподовных Его** и посещение во избранных Его

Премудрости Голомоновы чтение (главы 5 и 6):

Праведницы во веки живут,* и в Господе мзда их: и
попечение их у Вышняго.* Сего ради примут царствие
благолепия, и венец доброты от руки Господни,* зане
десницею покрывает я и мышцею защитит их.* Примет
всеоружие рвение свое,* и вооружит тварь в месть врагом.*
Облечется в броня правды* и возложит шлем суд а
нелицемерен.* Примет щит непобедимый а преподобие,*

поострит же напрасный гнев во оружіе,* споборет же с ним мир на безумныя.* Пойдут праволучныя стрелы молниины* и, яко от благокругла лука облаков, на намерение полетят.* И от каменометныя ярости исполнь падут грады.* Вознегодует на них вода морская,* реки же потопят я нагло.* Сопротив станет им дух силы* и, яко вихорь, развеет их,* и опустошит всю землю беззаконие,* и злодейство превратит престолы сильных.* Слышите убо, царие, и разумеите,* навикните, судии концев земли.* Внушите, держащии множества и гордящися о народах язык,* яко дана есть от Господа держава вам,** и сила от Вышняго.

Премудрости Соломоновы чтение (глава 4):

Праведник аще постигнет скончаться, в покой будет.* Старость бо честна не многолетна,* ниже в числе лет исчисляется.* Седина же есть мудрость человеком,* и возраст старости а житие нескверное.* Благоугоден Божии быв, возлюблен бысть,* и живой посреде грешник преставлен бысть.* Восхищен бысть, да не злоба изменит разума его* или лесть прельстит душу его.* Рачение бо злобы помрачает добрая,* и парение похоти пременяет ум незлобив.* Скончався в мале, исполни лета долга:* угодна бо бе Господеву душа его,* сего ради потщася от среды лукавствия.* Люди же видевше и не разумеюще,* ниже положивше в помышлении таковое,* яко благодать и милость в преподобных Его** и посещение во избранных Его.

На литии, глас 4:

Светоносный твой праздник* исполнен веселия духовнаго,* и ныне сошедшеся, инокинь множество,* любовию тебе воспевают:* преподобная мати Елено,* светло украсивши свой светильник* елеем любви и милости,* в сретение Жениха притекла еси радостно* и в чертог украшенный невестолепно возшла еси.* Ныне, яко дерзновение имущая,* моли милостиваго Бога* от бед

Отечеству нашему избавитися,* мир миру даровати** и душам нашим велию милость.

На стиховне стихиры, глас 5:

Преподобная мати наша Елено,* чистым житием послужила еси Владыце Христу,* в постех, молитвах и Богомыслии пребывающи,* красотою нрава украшающи,* совершенным смирением, кротостию и милосердием.* Мы же, немощныя, тя просим:* неотлучно буди от нас, чад твоих,* и подаждь скорбящим утешение,* в бедах всем поможение** и моли спастися душам нашим.

Стих: Дивен Бог во святых Своих,** Бог Израилев.

Преподобная мати наша Елено,* чисто житие твое совершила еси,* Чистыя Девы служительница явилася еси,* потрудившись усердно над устройением святой Ея Канавки.* Ныне же, Небесной Игумении предстоящи,* моли обитель в мире сохранить** и спастися душам нашим.

Стих: Честна пред Господем* смерть преподобных Его.

Преподобная мати наша Елено,* чистая мироположнице Святаго Духа,* благости, тихости и любви исполнена,* веры свеща неугасимая,* монашествующих путеводительнице* и неусыпная о всех предстательнице,* испроси и нам благодать Живоноснаго Духа,* радости приятие, неистощимое богатство исцелений** и спасение душам нашим.

Глава, глас 2.

Егда старца Серафима благословение прияла еси* словеса того слагаючи в сердце своем,* откровений о будущем обители Дивеевстей сподобилася еси,* тогда наставлениям его верно последовавши,* свято хранила еси вся заповеданная,* яко голубица чистая,* в храме Божии псалмы возносящи неустанно,* взираючи на Крест,

окропленный Кровию Христовою,* молилася еси о мире всего мира* и взывала еси к Заступнице усердной:** Пресвятая Богородице спаси нас.

И ныне, Богородичен, глас тойже:

О чудесе новаго всех древних чудес!* Кто бо позна Матерь, без мужа рождшую* и на руку носящую всю тварь Содержащаго;* Божие есть изволение Рождшееся.* Егоже яко Младенца Пречистая,* Твоима руками носившая,* и матернее дерзновение к Нему имущая,* не престай молящи о чтущих Тя,** щедрити и спасти души наша.

Тропарь, глас 1:

Добродетельми кротости, смирения и воздержания просиявшая,* таинственная начальнице Мельничныя общины, в Дивееве явилася еси,* преподобная мати наша Елено,* даже до смерти в совершенном послушании* старцу Серафиму пребыла еси* и Господа лицезрети сподобилася еси,* испроси и нам дерзновение Ему Единому служить** во спасение душ наших.

И ныне, Богородичен, глас тойже:

Гавриилу вещавшу Тебе, Дево, радуйся,* со гласом воплощашеся всех Владыка,* в Тебе, святем кивоте,* якоже рече праведный Давид;* явилася еси ширшая Небес,* поносивши Зиждителя Твоего.* Слава Всельшемуся в Тя,* слава Прошедшему из Тебе,** слава Освободившему нас Рождеством Твоим.

НА УТРЕНИ

По 1-ом стихословии, седален, глас 7:

Воссиявши, яко звезда утренняя,* яко светлое солнце, память честная преподобныя Елены:* просвещает бо жительствующия на месте сем* и согревает

монашествующих сердца к подражанию жития ея постническаго,** к ревности о вере Христовой.

Слава, и ныне, Богородичен:

Удивишася, Чистая, лица Ангельстии,* како Причастница сущи богатеиши радости Небесныя,* во юдоли скорбей человеческих присно пребываеши,* и ко всякому воплю молитвы матерски тщишися,* и благодать раздаеши неиждиваемую,* больных исцеляючи и печальных утешаючи, Дево Мати Господня,** сокровище пространнейшее милости Божественныя.

По 2-ом стихословии седален, глас 1:

Осияема ныне непрестанною славою Пресвятыя Троицы, мати наша Елено,* и Божественнаго веселия и радости исполнена,** тепле о нас молися у Престола Пресвятыя Троицы избавитися нам муки вечныя.

Слава, и ныне, Богородичен:

О Тебе радуемся и Тя прославляем, Дево Пречистая,* яко Невместимаго вместила еси,** Егоже присно моли о спасении нашем.

Величание:

Ублажаем тя, преподобная мати наша Елено,* и чтим святую память твою,* ты бо молиши о нас** Христа Бога нашего.

Псалом избранный: Терпя потерпех Господа:

По полнелен седален, глас 2:

Како воспоим терпения твоего подвиги:* наставленьми преподобнаго Серафима укрепляема,* смиренно, мати, ожидала еси благословение того на монашество,* последи воли Божией повинующися,* временную кончину вместо

брата своего прияла еси,* тем совершенное послушание показующи,** преподобная Елено достохвальная.

Глава, и ныне, Богородичен:

Радуйся, Ангелом радость мира приемшая.* Радуйся, рождающая Творца Твоего и Господа.** Радуйся, сподобльшаяся быть Мати Божия.

Степенна, 1-й антифон 4 гласа: Прокимен, глас 4: Дивен Бог во святых Своих,** Бог Израилев. Стих: В церквах благословите Бога, Господа от источник Израилевых. Всякое дыхание. Евангелие от Матфея, зачало 104:

По 50 псалме стихира, глас 6:

Светися, обитель Божия Матере, и веселися,* обогатившаяся многоцелебными мощми* преподобная Елены досточудная,* ибо ныне воистинну священный* и радостный наста праздник,* непорочную невесту Христову венчаем песненными цветы,* небеса яко достойно да веселятся,* земля же да радуется,* инокини же твоими, Елено, молитвами хранимы ликуют,* спасаеши от напастей нечаемых* и благодать исцелений подаеши,** совершающим светлую память твою.

Канон, глас 8.

Песнь 1

Ирмос: Колесницегонителя фараона погрузи, чудотворяй иногда* монсейский жезл, крестообразно поразив,* и разделив море:* Израиля же беглеца, пешеходца спасе,** песнь Богови воспевающая.*

Страстными мя бурями всюду погружаема,* ко пристанищу тихому Христовы воли направи, преподобная Елено,** яко да достойно тя воспою.

Книими похвалами восхвалим преподобнаго Серафима,**
возрастившаго во үделе Божия Матери дивнүю
молитвенницү и подвижницү.

Наставлениям дүховнаго отца твоего, великаго старца
Серафима,* үсердно последовавши, мати Єлено,** истинное
послушание стяжала єси.

Богородичен: Радүйся, Пресвятая Госпоже, освятившая
Дивеево Твоим пришествием,* радүйся, насадившая верү
истиннүю,** радүйся, собравшая монашествующих
множество.

Песнь 3

Ирмос: Небеснаго круга верхотворче Господи,* и церкви
Зиждителю,* Ты мене үтверди в любви Твоей* желаний
краю, верных үтверждение,** Едине Человеколюбче.*

В обитель дивеевскүю притекла єси,* в нейже үсердно
подвизавшись үзким пүтем послушания даже до смерти
шествовала єси,** помози и нам добродетель послушания
стяжати.

Девственными добротами просвещена, богоблаженная
Єлена,* Чистомү Гловү үневестилася єси,** Того
живоносным стопам последующи.

Позлащенне криле добродетели стяжавши,* на высотү
небеснүю возлетела єси, блаженная Єлено,** яко голубица
нетленная.

Богородичен: Радүйся, во үдел Себе Дивеево
избравшая,* радүйся, Застүпницею места сего быти
изволившая;* радүйся, верным, пребывающим zde,
Подательнице земных благ;** радүйся, Спорүчнице вечнаго
их спасения.

Бѣдален, глас 4:

Красотами явилася еси девственно преукрашаема,*
постнических священных подвигов,* яко невеста непорочная
дева Христова,* и с Ним в нетленный возшла еси чертог* и
красот его наслаждаешься.* Моли спастися нам от всякия
беды,** любовию поющим тя.

Глава, и ныне, Богородичен:

Чистая Всенепорочная, и Ненскусоврачная,* Единая
безлетнаго Сына и Слово Божие в лете рождающая.* Того со
святыми и честными апостолы, мученики и пророки, и
преподобными моли,** даровати нам очищение, и велию
милость.

Песнь 4

Ирмос: Услышах, Господи, смотрения Твоего таинство,*
разумею дела Твоя,** и прославию Твое Божество.*

Кротостию и смирением Христу уподобившись,*
источник избран любви явилася еси, преподобная Елено.**
Молися, да огонь Божественныя любви не угаснет в нас.

Дары Христу принесла еси,* чистое умерщвление удов, и
труды воздержания:** темже и прияла еси Небесное
Царство и вечнующее наслаждение.

В небесныя чертоги светозарная вселилася еси,*
невеста избрана бывши Вседержителю,* исцеления реки
источаеши, преподобная Елено,** страстная нам течения
изсушающи.

Богородичен: Радуйся, теплая Ходатанце о живущих в
четвертом жребии Твоем;* радуйся, милость Сына Твоего
до скончания века месту сему обещавшая;** радуйся,
Радосте и спасение душ наших.

Пѣснь 5

Ирмос: Ѹтреннююще вопием Ти, Господи, спаси ны:* Ты бо еси Бог наш,** разве бо Тебѣ иного не вѣмы.*

Стѣзю теснѹю прошеди в пощени,** к широтѣ
приспела еси райстей, Елено всечестная.

Монашескаго чина украшение** и обители Дивеевския
слава ты явилася еси, Елено преподобная.

Ангельскому житію подражаючи,* непрестанно
псалмопение Богу возносила еси.** Помози и нам чистым
сердцем Его славить.

Богородичен: Радуйся, Дево, яко благословением Твоим
осени Дивеево сила Вышняго;* радуйся, яко обитель Твоя
наполнишася подвижающимися;* радуйся, яко просия здѣ
множество преподобных,** молящихся о спасении душ
наших.

Пѣснь 6

Ирмос: Ризу мне подаждь светлу, одеяйся светом яко
ризою,** Многомилостиве Христе Боже наш.*

Образу Спасову навикла еси покланятися, славная,**
дѣлы и словеса твоими спасительная Его соблюдающи
учения.

Любве Христовой подражаючи,* искренно, Елено,
ближним послужила еси.** Молися, да и нас просветит свет
любве Божия.

Облак ты Христос показа, мати Елено,* источающий
дождь животный,** верою просящим у тебе, преславная.

Богородичен: Радуйся, яко на наследіе Твое присно
призираеши;* радуйся, яко благодати и милости Своея
сподобляеши нас;** радуйся, благословение Сына Твоего на
нас низводящая.

Кондак, глас 5:

В монашествѣ благочестно поживши* и в юныхъ лѣтахъ путь свой скончавши,* послушаниемъ, постомъ и молитвою вѣчнонеразлучною* к сретению Жениха себе предуготовившая,* Богомудрая Елено, молимъ тя:* от бѣдъ избави нас** твоими молитвами, блаженная.

Икос:

Струи мнѣ слова даждь, Боже мой,* и источникъ благочиния сотвори мой умъ,* и благослови языкъ мой, да воспую Твою агницу, юже венчалъ еси Ты благостию Твоею:* аще бо Самъ не даси ми слова достойнаго, како принесу дарнищій богатней въ словесехъ и деяніихъ;* темъ подаждь ми силу, исповѣдати ея натриженія,* крепко бо звери побѣдила естъ:** но молитвами ея противныхъ шатанія разори.

Пѣснь 7

Ирмос: Отроцы еврейстии в пещи попраша пламень дерзновенно,* и на росу огонь преложиша, вопиюще:** благословенъ еси Господи Боже, во веки.*

О добротѣ тленной, преподобная, неврегла еси,* смотряючи на Небеси сущая воздаянія и свѣтъ, и славу Божию нестареющуюся,* и красоту, и божественное селение, зовущи:** отецъ Боже, благословенъ еси.

Миръ пременила еси тлеющий премирнымъ животомъ нестареющимъ,* и зѣмнаго обручника Небеснымъ Женихомъ, воспевающе** отецъ Боже, благословенъ еси.

Разумъ боголюбивъ стяжала еси, Елено славная,* еще во плоти сущи, ангеломъ уподобилася еси,* бдящи тепле любовию, и поющи:** отецъ Боже, благословенъ еси.

Богородичен: Радуйся, всякихъ даровъ рабомъ Твоимъ Всещедрая Подательнице;* радуйся, во брани, въ болезнѣхъ и

трудох их премилосердая Утешительнице;** радуйся,
надеждо и спасение душ наших.

Песнь 8

Ирмос: Богоглаголивни отроцы в пещи, со огнем
пламень попирающе, пояху:** благословите дела Господня
Господа.*

Украшена сиянием чистоты и чистым житием
просвещена мати,* предстоиши Жениху твоему, Христу
Богу нашему, поющи:** благословите Господа во веки.

Господа лицезрети сподобилася еси, преподобная Елено,*
видевши Его яко огонь неизреченный,* и в Небесное Дивеево
прежде кончины* Самою Пречистою Девкою введена была
еси, зовущи:** благословите Господа во веки.

Священна жертва принеслася еси и приношение
светлое,* преподобная мати Елено,* яко кадило
благоуханное, всех Владыце Христу Богу нашему,** Егоже
благословим во веки.

Богородичен: Радуйся, Хранительнице наша в настоящем
веще;* радуйся, Предстательнице и непостыдное упование в
будущем;** радуйся, прилог всякаго зла от жребия Своего
последняго отражающая.

Песнь 9

*Ирмос: Устрашися всяк слух неизреченна Божия
снисхождения,* яко Вышний волею снисде даже и до плоти,*
от девического чрева быв человек:** тем же Пречистую
Богородицу вернии величаем.*

Возжелела еси доброту мысленную Жениха* и чисто
возлюбила еси Его.* Где почиваеши, где ли пасеши?* Тепле
вопияла еси:* да почию у Тебе и в Твоих светлостех
наслаждуся,** величающе Твою благодать.

Разум Христов имела еси,* и смирение, и божественную кротость,* веру несомненную, и надежду и любовь, юже к Богу:* всенощными молитвами приближающихся Ему,** и тамо сущими светлостми, блаженная Елено, озаряема и просвещаема.

Говоравшеся днесь людие,* хвалами величают Господа, возвеличившаго твое святое торжество.* Мы же просим: поминай нас, поминающих тя,* предстоящи Христу Жениху твоему,** преподобная Елено всечестная.

Богородичен: Песни благодарственные вси мы в обители сей святой живущи приносим Ти, Мати Божия,* яко спасаеши нас присно от всякаго обстояния,* питаеши, устрояеши и о нас промышляеши.* И молим Тя:** Божественнаго Царствия по кончине нас сподоби.

Светилен.

Подобен: Чертог Твой:

Радуйся, Дивеевская обитель славная,* молитвенницу имущи просиявшую в тебе преподобную мать Елену* вкупе с преподобными Александром и Марфою, днесь о нас молящихся** прилежно избавитися нам мuki вечныя.

Богородичен: День мне возсияй разумаго веселия,* Ты бо еси, Чистая, свет, и живот сущих во тьме:* хотению бо мощна еси,* и еже творити имаши яко сущи всех Владычица,* избави всех от бед,** и всех скорбящих от соблазна лукаваго.

На хвалитех стихиры, глас 8.

О, преславнаго чудесе!* Житие твое чудно явися,* преподобная мати Елено,* воистину и кончина твоя чудесна,* юже за повеление от старца Серафима прияла еси,* любви истинныя познание показующи* и послушания совершеннаго исполнение.* Всем благодарение смиренно

воздавала еси,* упование на милосердие Божие возлагающи,** Егоже моли даровати нам велию милость.

О, преславного чудесе!* Царствия несказанный свет* осия ты, всеблаженная,* егда величественная Всецарица* показа ти Небесное Дивеево.* Ты же молилася еси прилежно:* Святая Игүмение, обитель нашу не остави.* Ныне, преставившись к чертогам световидным,* и нетленным венцем украшена,* моли Бога, преподобная Елено,** даровати нам велию милость.

Дивных откровений славная причастнице,* Господа узрела еси, яко Огнь Неизреченный,* а Царицу и святых ангелов просто.* Радуются Херувимы и Серафимы,* зряще твою душу на Небо возносиму,* Престолу Святыя Троицы представляемү* и сочєтоваемү с лики преподобных и праведных,* с нимиже моли, преподобная Елено,** даровати нам велию милость.

Светло днесь обитель Дивеевская украшается,* имущи сокровище многоценное:* благоухает, сияющи, рака мощей твоих,* неоскудеваемую благодать исцелений источающих,* и песненными похвалами венчает тя, зовущи:* о преподобная мати Елено,* великий союз духовный имеющи с преподобными Александрою и Марфою,* якоже обретение честных мощей ваших во едино бе время,* с нимиже и вкупе с преподобным Серафимом* в Небесных обителях моли за обитель твою земную,* вечную радость нам даровати** и велию милость.

Глава, глас 3:

Тихостию нрава направляемая,* тихаго пристанища достигла еси,* преподобная мати наша Елено,* смиренномудрия ради избежавши сопротивных сетей,* святою душею своею на Небеса возлетевши,* яко голубица чистая,* идеже, Христу предстоящи,* моли спастися нам,** почитающим святую память твою.

И ныне, Богородичен, глас тойже:

Богородице, Предстательнице всех, молящихся Тебе,* Тобою дерзаем и Тобою хвалимся,* и к Тебе все упование наше есть,** моли Рождшагося из Тебе за непотребныя рабы Твоя.

НА ЛИТУРГИИ:

Блаженны от канона преподобной, песнь 3 и 6. Прокимен, глас 4: Дивен Бог во святых Своих,** Бог Израилев. Стих: В церквах благословите Бога, Господа от источник Израилевых. Апостол к Галатам, зач. 208. Аллилуиа, глас 1: Терпя потерпех Господа, и внят ми и услыша молитву мою. Евангелие Матфеа зач. 104. Причастен: В память вечную будет праведник:

Молитва

О преславная мати, скорая наша помощнице и заступнице и неусыпная о нас молитвеннице! Предстояще раце мощей твоих и на сия со умилением, яко живеи ти сущей, взирающе, молимся тебе усердно: прими прошение наше и принеси я ко престолу милосердаго Отца Небеснаго; яко дерзновение многое к Немү имущая: испроси притекающим к тебе и всем православным христианом вечное спасение и временное благоденствие, на вся же благая дела и начинания наша щедрое благословение и от всяких бед и скорбей скорое избавление. Ей, чадолюбивая мати наша! Тебе, предстоящи престолу Божию, ведомы суть нужды наши духовные и житейские: призри на нас матерним оком, и твоими молитвами вся злая отврати, паче же злых и богопротивных обычаев умножение: утверди же во всех веры согласное ведение, взаимную любовь и единомыслие, да во всем житии нашем, словесы же и писании и дела, славится всесвятое имя Отца и Сына и Святаго Духа, Единого Бога, в Троице покланяемаго, Ему же честь и слава во веки веков. Аминь.